



Proklamation

zum Egerchinger' Narrechlapf 1981



Vom Turm het's vorig achi gschlage
Und der Narrechlapf isch ab.
Das freut eus alli de bim Wage
Und mi als Obernarr vorab.

Jetz tue'n ig die Gmein regiere.
Schluss jetz mit Politisiere:
Jetz wird böögget, tanzet, glacht
und vor allem Fasnacht gmacht!

Thema Nummer 1: Politik:
Doch de machen ig kei Kritik.
Aendi Mai si jo de d'Wahle.
Die mache mängem no gnue Quale.

Doch jetz Schluss mit däm Gezeter.
s'foht die schönschti Wochen a.
Gniesset jede Santimeter
Dänket eifach, mir göh dra:

Das die Tolli Zyt wird glinge,
chunnt' s uf jeden Einzeln a.
Drum dir Fraue, Manne, Chinge:
Machet mit, s'goht alli a!

Morn am Morge – i nüün Stunde –
Foht der gröscht Spektakel a:
D' Chessler dräie ihri Runde,
es wysses Chleid het jede a!

Der Nomittag isch für die Chlyne.
Die Grosse föh denn z'oben a.
Im Moon-Saal stigt der erschti Ball.
Das git der dritti Fasnechtsknall.

Au d' Schnitzelbänk si uf der Pischte.
Oho, die hei e längi Lischte:
Wenn' s Di preicht ime so ne Värs,
Spil nit der Dumm – lach mit – das wär's:

Am Samschtig und am Fasnechts-Zyschtig
Isch der Hammersaal denn dra.
Mir mache mit, und das de richtig,
Zwe Maskebäll mit Drum und Dra.

Au s' Fasnechtsläben i de Beize
Net sini wüerkli schöne Reize:
Bi Guggemusig, Schnitzelbänk
Chunnsch guet derdur –um sibe Ränk!

Gar gly isch d'Wuche scho verby.
Denn sell's nur heisse: Schön isch's gsi!
Der Böögg verbrönnt – Doch alli Nare
Säge z'trotz: Mir löh's lo fahre!

Allne wo's jetz richtig g'niesse
Und sich dur nüt löi lo verdriesse
Wünschen ig – ig rüefes wyt –
E wunderschöni Fasnechtszyt:

Verläsen und proklamazieniert:
Gäg Aendi Hornig 81

Roli 1

(und nid der viert!)

„Los lo fahre!“ - He, was macht's?